

01/a-50-1

21-07-2010

**Bosna i Hercegovina
MINISTARSTVO PRAVDE**



**Босна и Херцеговина
МИНИСТАРСТВО ПРАВДЕ
BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO**

Broj: 03-07-14-7277/10
Sarajevo, 14.07.2010.godine

PRIMLJENO: 22.07.2010			
Organizaciona jedinica	Klasifikaciona oznaka	Redni broj	Broj priloga
01-50-1		1579/10	

**PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
SARAJEVO**

n/r predsjedavajućeg Predstavničkog doma, gosp. Nike Lozančića

PREDMET: Odgovor na zastupničko pitanje

Veza: Vaš akt broj 01/a-50-1-15-79/10 od 21.06.2010.godine

U prilogu dostavljamo odgovor na zastupničko pitanje gospodina Adema Huskića, zastupnika Predstavničkog doma Parlamentarne skupštine Bosne i Hercegovine, postavljeno na 79. sjednici Predstavničkog doma održanoj 16.06.2010.godine.

Za pripremu odgovora Predstavnički dom Parlamentarne skupštine Bosne i Hercegovine zadužio je Ministarstvo pravde Bosne i Hercegovine.

S poštovanjem,



MINISTAR

Bariša Čolak

Dostavljeno:

- Naslovu x33
- a/a

**PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM**

Adem Huskić, zastupnik Predstavničkog doma Parlamentarne skupštine Bosne i Hercegovine, na 79.sjednici Predstavničkog doma, održanoj 16.06.2010.godine, postavio je slijedeće zastupničko pitanje:

„Šta ste poduzeli i šta planirate poduzeti da se Mirsad Salkić iz Bihaća, pripadnik oružanih snaga BiH, pusti na slobodu nakon što je uhapšen u Republici Srbiji zbog navodnog ratnog zločina koji je počinio u Hrvatskoj?“

U vezi sa navedenim pitanjem daje se slijedeći

ODGOVOR

Ministarstvo pravde Bosne i Hercegovine, diplomatskim putem obaviješteno je dana 16.06.2010.godine, aktom Ambasade Bosne i Hercegovine u Beogradu od 15.06.2010.godine, o lišenju slobode u Republici Srbiji državljanina Bosne i Hercegovine Mirsada Salkića rođenog 02.08.1971.godine u Bihaću.

Prema obavijesti Ambasade Bosne i Hercegovine u Beogradu, imenovani je lišen slobode zbog osnovane sumnje da je počinio krivično djelo „krađa oružja ili dijela borbenih sredstava“ iz člana 223. stav 3. Krivičnog zakona SFRJ i krivičnog djela „napad na vojno lice u vršenju službe“.

Viši sud u Beogradu je dana 17.06.2010.godine ukinuo pritvor državljaninu Bosne i Hercegovine Mirsadu Salkiću i isti je pušten na slobodu, tako da nije bilo potrebe za poduzimanje radnji od strane Ministarstva pravde Bosne i Hercegovine.

O puštanju na slobodu Mirsada Salkića, Ministarstvo pravde Bosne i Hercegovine je službeno obaviješteno dana 07.07.2010.godine, aktom Ministarstva vanjskih poslova Bosne i Hercegovine od 01.07.2010.godine.

U vezi s naprijed navedenim, posebno ističemo da državljani Bosne i Hercegovine lišeni slobode u inostranstvu zaštitu svojih prava ostvaruju najprije putem diplomatsko-konzularnih predstavništava Bosne i Hercegovine u inostranstvu. Naime, ovlašteni službenici diplomatsko-konzularnih predstavništava Bosne i Hercegovine u inostranstvu mogu uvijek posjetiti lica lišena slobode na njihov zahtjev i pružati im odgovarajuću pravnu pomoć u skladu sa odredbama člana 36.Bečke konvencije o konzularnim odnosima iz 1963.godine. Naprijed navedeno, a u skladu s odredbama odnosne Konvencije, podrazumijeva da se ta pomoć pruža u skladu sa zakonima strane države, ali s tim da ti zakoni dopuštaju potpuno ostvarenje ciljeva za koje su ta prava omogućena.

U svim slučajevima lišavanja slobode državljana Bosne i Hercegovine u inostranstvu a prije preduzimanja bilo kakve aktivnosti, Ministarstvo pravde Bosne i Hercegovine o tome mora biti službeno obaviješteno od nadležnog organa države u kojoj je državljanin Bosne i Hercegovine lišen slobode.

Po prijemu službene obavijesti o lišenju slobode državljanina Bosne i Hercegovine u inostranstvu, Ministarstvo pravde Bosne i Hercegovine postupa isključivo u skladu sa međunarodnim ugovorima koji obavezuju Bosnu i Hercegovinu, bilo da je riječ o bilateralnim ugovorima koje je Bosna i Hercegovina zaključila sa drugim državama ili bilateralnim ugovorima koje je Bosna i Hercegovina preuzela notifikacijom o sukcesiji ugovora bivše SFRJ, bilo da su u pitanju međunarodni multilateralni ugovori tj. konvencije iz krivično-pravne oblasti.

Ministarstvo pravde Bosne i Hercegovine je prije svega, dužno da državi koja liši slobode državljanina Bosne i Hercegovine pruži svu međunarodnu pravnu pomoć u skladu sa odredbama međunarodnih ugovora iz krivično-pravne oblasti, a čija je potpisnica Bosna i Hercegovina, ukoliko je takva pomoć zatražena, te da dostavi dokumentaciju i relevantne informacije koje se odnose na predmetno lice. Ovo iz razloga što je suština pružanja međunarodne pravne pomoći da lice ne može napustiti teritoriju jedne države kako bi u drugoj državi izbjeglo krivično gonjenje.

Ministarstvo pravde Bosne i Hercegovine može u skladu sa odredbama međunarodnog ugovora predložiti državi u kojoj je lišen slobode državljanin Bosne i Hercegovine da ustupi krivično gonjenje Bosne i Hercegovini ili da podnese ekstradicijski zahtjev za izručenje tog lica u Bosnu i Hercegovinu, ukoliko se krivični postupak protiv istog vodi ili je to lice već osuđeno u Bosni i Hercegovini za isto krivično djelo.

U određenim slučajevima koje predviđaju pojedini međunarodni ugovori, kao što je npr. ugovor zaključen sa Republikom Srbijom (Ugovor između Bosne i Hercegovine i Republike Srbije o izmjenama i dopunama Ugovora između Bosne i Hercegovine i Srbije i Crne Gore o pravnoj pomoći u građanskim i krivičnim stvarima), države ugovornice su, kada je riječ o krivičnim djelima protiv čovječnosti i međunarodnog humanitarnog prava, u obavezi da donesu odluku o ustupanju krivičnog gonjenja drugoj državi, ukoliko osumnjičeni, okrivljeni ili optuženi imaju državljanstvo druge države ugovornice i prebivalište na njenoj teritoriji, a krivični postupak se za isto krivično djelo vodi na teritoriji obje države ugovornice.



BOSNA I HERCEGOVINA
ПРЕДСТАВНИЧКА СКУПШТИНА БОСНЕ I HERCEGOVINE
SARAJEVO

Broj: 03-07-14-7276/10
Sarajevo, 07.07.2010.godine

PRIMLJENO: 9.7.2010.			
Organizaciona jedinica	Klasifikaciona oznaka	Redni broj	Broj priloga
01/a	50-1-15-79-1	10	X

**PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
SARAJEVO**

n/r predsjedavajućeg Predstavničkog doma, gosp. Nike Lozančića

PREDMET: Odgovor na zastupničko pitanje

V e z a : Vaš akt broj 01/a-50-1-15-79/10 od 21.06.2010.godine

U prilogu dostavljamo odgovor na zastupničko pitanje gospodina Adema Huskića, zastupnika Predstavničkog doma Parlamentarne skupštine Bosne i Hercegovine, postavljeno na 79. sjednici Predstavničkog doma održanoj 16.06.2010.godine.

Za pripremu odgovora Predstavnički doma Parlamentarne skupštine Bosne i Hercegovine zadužio je Ministarstvo pravde Bosne i Hercegovine.

S poštovanjem,

Dostavljeno:

- Naslovu x33
- a/a



**PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM**

Adem Huskić, zastupnik Predstavničkog doma Parlamentarne skupštine Bosne i Hercegovine, na 79. sjednici Predstavničkog doma, održanoj 16.06.2010. godine, postavio je slijedeće zastupničko pitanje:

„Šta namjeravate poduzeti u cilju osiguranja pravne sigurnosti građana BiH pri njihovom izlasku izvan granica naše zemlje, kako bi se izbjegla hapšenja za navodne inkriminacije iz ratnog ili čak prijeratnog perioda, u drugim zemljama?“

U vezi sa navedenim pitanjem daje se slijedeći

ODGOVOR

Ministarstvo pravde Bosne i Hercegovine skoro svakodnevno prima obavijesti o lišenju slobode državljana Bosne i Hercegovine po međunarodnim potjernicama u inostranstvu. Samo određeni slučajevi izazivaju medijsku pažnju, dok drugi prođu potpuno nezapaženo.

U svim slučajevima Ministarstvo pravde Bosne i Hercegovine postupa u skladu sa međunarodnim ugovorima koji obavezuju Bosnu i Hercegovinu.

U ovom trenutku se sudi velikom broju državljana Bosne i Hercegovine u inostranstvu za razna krivična djela, s tim što oni zaštitu svojih prava ostvaraju putem diplomatsko-konzularnih predstavništava Bosne i Hercegovine u inostranstvu. Naime, ovlašteni službenici diplomatsko-konzularnih predstavništava Bosne i Hercegovine u inostranstvu mogu uvijek posjetiti lica lišena slobode na njihov zahtjev i pružiti im odgovarajuću pravnu pomoć u skladu sa odredbama člana 36. Bečke konvencije o konzularnim odnosima iz 1963. godine. Naravno, a u skladu s odredbama odnosne Konvencije, naprijed navedeno podrazumijeva da se ta pomoć pruža u skladu sa zakonima strane države, ali s tim da ti zakoni dopuštaju potpuno ostvarenje ciljeva za koje su ta prava i omogućena.

Cilj međunarodnih ugovora iz krivično-pravne oblasti i jeste da se hapse i lišavaju slobode lica protiv kojih se vode krivični postupci, a koja prelaze državnu granicu i mijenjaju boravište u raznim državama. Tako i Bosna i Hercegovina lišava slobode lica za kojima je raspisana međunarodna potjernica od strane inostranih sudova.

U vezi sa pojedinačnim slučajevima hapšenja naših državljana u Republici Srbiji, posebno za krivična djela usmjerena protiv čovječnosti i međunarodnog humanitarnog prava, kroz izmjene Ugovora potpisanog sa Republikom Srbijom o pravnoj pomoći u građanskim i krivičnim stvarima je predviđeno da će države u slučajevima kada se u obje države vodi krivični postupak protiv nekog lica za krivična djela protiv čovječnosti i

međunarodnog humanitarnog prava, odluku o ustupanju krivičnog gonjenja drugoj državi donijeti posebno cijeneći državljanstvo i prebivalište osumnjičenog okrivljenog ili optuženog lica. Istovremeno, predloženo je zaključivanje istog ugovora sa Republikom Hrvatskom i Crnom Gorom.

Dakle, osim pojedinačnih slučajeva hapšenja koja su sporna, Ministarstvo pravde Bosne i Hercegovine je dužno da državi koja liši slobode državljanina Bosne i Hercegovine pruži međunarodnu pravnu pomoć u skladu sa odredbama međunarodnim ugovora iz krivično-pravne oblasti a čija je potpisnica Bosna i Hercegovina, te da dostavi dokumentaciju i relevantne informacije koje se odnose na predmetno lice. Zato je i suština pružanja međunarodne pravne pomoći da lice ne može napustiti teritoriju jedne države kako bi u drugoj državi izbjeglo krivično gonjenje.

Postoji i takozvana univerzalna jurisdikcija koju je usvojilo i zakonodavstvo Bosne i Hercegovine a prema kojoj svaka država može voditi krivični postupak prema licu koje se zatekne na njenoj teritoriji a počinilo je krivično djelo usmjereno protiv čovječnosti i međunarodnog humanitarnog prava u bilo kojoj državi. Tako npr. vodilo se ili se vodi više takvih postupaka u drugim zemljama Europe i svijeta za ovu vrstu krivičnih djela počinjenih u Bosni i Hercegovini.